

Юван Шесталов хансум потранэ урыл

(2 часть)

Юван Шесталов такви потранэт м̄аниг олме пора урыл ман м̄аньлатыг олме пора урыл о̄с хансы. В̄аим, к̄асың х̄отпа м̄ань поратэт м̄аныр в̄армалит о̄лыглалсыт, ты урыл о̄лнэ акваг х̄осытэт номуңкве паты, к̄асың о̄лум в̄армалы тавен лильпи номт мыг.

Това тамле о̄лум в̄армалит урыл ань номсахтэв, хомус м̄от-м̄от в̄армалы хосыт тав номтэ-м̄утратэ такмалтахтас. М̄ань т̄аланэ Юван Шесталов Квайк-я п̄авылт миначыт, хуньттаг тамле м̄ань в̄ор п̄авылкве о̄лыс. Юван м̄аньт̄алыг с̄авалапыг хультыс, щ̄ане, а̄щойкатэ, а̄некватэ акв т̄алыт ляпат а̄тимыг е̄мтсыт. Н̄елолов т̄ал пасыл пыгрищакве а̄ще м̄от щ̄емьятэт о̄луңкве патыс, Т̄эк-п̄авылт о̄лмыгтас. М̄аньтагыл ишколат ханищтахтнэтэ сысы ханищтахтын в̄армалы туп руц л̄атңыл тотвес. Юван Шесталов о̄выл хансум м̄ань потре – стихе – 12 т̄ал яныт хансыстэ. Яныг классытн патум порат тав Хальүст ишкола-интернатт ханищтахтас-о̄лыс. Хальүст о̄лнэтэ сысы тав о̄лупсатэт мак яныг в̄армалы о̄лыс, ты в̄армалы тав номтэн патыс: Юван такви та нак касалас, хомус Сибирь м̄ат о̄выл газ хонтв̄ес, хомус Хальүст ты газ нох-пелаяс, хораяс. К̄асың х̄отпа ань в̄агтэ, ты в̄армалы м̄ан о̄лнэ м̄авт м̄а яныт в̄аңкве патвес, ты хосыт Хальүс в̄аңкве патвес, ибирь в̄аңкве патвес. Юван Шесталов тав номтэ м̄агыс ты в̄армалы ос сака яныг в̄армалиг е̄мтыс, тав писателиг е̄мтме порат ты урыл тох ты хансыс: «Та с̄үкыр этпос эт котильт м̄а торгалтахтас. Тур таратас. А-на-на, м̄аныр е̄мтыс! Т̄орум пылыщмаг сусхатас... М̄ан ханищтахтын а̄хвтас кол сысувт, п̄авыл о̄вылт, тот, хот молх̄отла кер хаңхылтап хурип буровая о̄лыс, ань т̄урман э̄тытн̄ай пылыщмаг хоргис. Няңра

нāй, тав Тōрумн лāвнэ щирет мāн лūимāв мā яныт вāңкве вос патаве. Тыи касалым, ты юи-палыт мāн, нāврамыт, пусын геологыг ханищтахтуңкве тахмаясув».

Эрҗань ишкола астламе юи-палт Юван Шесталов элаль геологыг (газовикыг, нефтяникыг) ханищтахтуңкве тахмаянув, туп окрисполкомыт рўпитан хōтпатн тав Ленин-ōйка яныг ўсн – пединститутн ханищтахтуңкве тетвес. Тот тав матъёмас номтың хōтпат ёт хонтхатас, тāн таве – потыр хансуңкве хāснэ пыг – литература нēпак хансуңке потыртасаныл. Алексей Николаевич Баландин ос Михаил Григорьевич Воскобойников – ты хōтпаг, акватэ мāньщи лātнын студентыт ханищтасанэ, тититэ – лūимā мир литература ханищтас, ты учёныиг мāньщи пыг потыртастэн, ханищтастэн, хомус ос мāныр урыл потрыт хансуңкве эрегыт, та урыл лāвсыг, такви яныгмам мātэ урыл вос хансы, мāньщи мир пēs потрыт-мōйтыт хаснэ потранēt ос вос суйтсыт. Юван Шесталов, тāлыт минаманыл юи-палт тох ты лāвыс: «Туп Ленинград ўст, ам олум мāныл хоса мāt, ам амти ятил мāньщи лātыңтем ёмащакв ущта торгамтаслум. Насати мāн лātңув сака нētнэ, ты лātңыл пўмыщ потрыт хансуңкве рōви. Ты урыл а мат торгамтанувлум, рущ лātың ат вāннувум-те».

Юван Шесталов овыл потранэ 1950 тāлыт оигпан порат хансункве овылтасанэ. Овыл потранēt тав сые шаргим мōт хōн мāt олнэ мирыт урыл хансыс. Та порат Конго ос Алжир мāt олнэ мāхум сака сāваласыт, люльсән оныщвесыт, сāватавēsыт, мāньщи поētув сые ты урыл сака шаргис. Тувыл ос Ку-клуб-клан нампа расистат

люль в̄рмаляныл урыл сыме щаргис, ты урыл хансыс ос Хиросима м̄а урыл.

Юван Шесталов акв м̄ань потре – стихотворениятэ «Дикари ХХ столетья» (1960) тамле л̄атңытыл астластэ:

«Тыңщаныл салы хольт пувнуvem,
Витг̄ал о̄ньщнуvem, х̄омщил р̄атнуvem,
Ленин-о̄йкан ат-те вуянтавесум
Ты пилыщма хорахщитытн».

Та т̄алыт порат о̄лнэ с̄авсыр в̄рмалит урыл, тав – поэтыг о̄лнэ хум – эрнэ л̄атың лягалаңкве хасыс, л̄атңэтыл м̄ахумн н̄етумтаңкве в̄ермыс, л̄авыльтаңке в̄ермыс. Поэматэ «Кара-юйа..» Юван Шесталов Вьетнам урыл хансыстэ, тонт Вьетнамт м̄ахум американцытн с̄аватав̄есыт. Американцытн тав тамле л̄атың теты: «Н̄ан, а̄хвтас вильтъятатын м̄анрыг ат ломыртахт̄эгыт, тамле яныг пилыщма м̄от х̄он м̄ат в̄арнэн м̄агыс?!» Ты л̄атңанэ тав Америкат с̄авсыр ұст халт о̄лнэ мирытн л̄ави, м̄анрыг т̄ан танти пыганыл м̄от х̄онн мир порслын м̄агыс т̄етсаныл.

Тох няңрыңыщ Юван Шесталов потранэ акваг ты хассанэ. Ты урыл щар мак л̄атың Л.В. Полонский л̄авыс: «Юван Шесталов потранэт мирыт янытлыянэ, мирыт н̄этыянэ, т̄ан о̄лупсаныл в̄аганэ, к̄асың х̄отпан ос о̄лнэ йисн эрнэ л̄атың лавуңкве акваг хонты». О̄лнэ т̄алыт сыс м̄аныр в̄рмалит о̄лыглалсыт, к̄асың в̄рмаль хосыт писатель номтэ м̄ўтраңнуveg ёмтыс. Тав хаснэ потранэ лильпи ёмас о̄лупса магыс м̄ахумн н̄етмил в̄ари, м̄а яныт о̄лнэ мирыт о̄лупсаныл ёмасыг вос о̄лыс. Шесталов л̄ўим̄а м̄ахманэ сака янытлыянэ. 1960 т̄алыт порат хаснэ потранэт, м̄а акваг топ лылтнэтэ суйты, м̄а-вит атэ акваг топ

атаяңкве рōви, Āс аквтоп паркананэ-хуплыянэ хунтамлахтĕгыт, путсканытт аквтоп сāvсыр āтыт āтаяхтĕгт.

Ōвыл потранĕт Шесталов, та потранэ, хот такви мā-витэ урыл хансы, лātңэ мāньщи пĕс йис мōйтыт-потрыт хольт тотыгпитэ, аквтоп пĕс йис мāхманув тыт та потыртĕгыт. Хомус тав тох мāщтырыг хансуңкве патыс, ты урыл ань тара паттĕв.

1955 – 1961 тāлыт сыс писателюв ōвыл стихыт ущ хансуңкве ōвылтас, ты порат тав стиханэ туп мāньщи лātңыл хассанэ. Щар ōвыл потре Шесталов щāне урыл хансыстэ, ты потыр намаим ōлы –«Щāнь» (1955). Ётылнув ты урыл тав потырталыс – стихе нĕтнĕг тĕлнэтэ мāгыс тāl сыс тав хансыстэ. Мāн вāглув, щāне тāl Юван мāньтāлыг хультыс, сāvалапыг яныгмас, ты тыстың номтанэ ōлнэ хосытĕт тав акваг тотсанэ, щане урыл сāv потыр хансыс.

Ос та урыл номылматĕв, Юван Шесталов щар ōвыл щĕс стиханэ нĕпакыт 1956 тāl порат таратавĕсыт, щар ōвыл таратым потраге намаим ōлсыг: «Āс» ос «Тĕлы». Ты стихыг «Ленин пант хуват» нĕпакыт хансым ōлсыг. Ты пасныл мāхум писатель урыл вāңкве патсыт. Щар янас ōвыл нĕпак намаим ōлыс «Мāкем āт» (1958), мōтыт тāлыт ты нĕпак рущ лātңын толмащлавес, Михаил Дудин тав стихыт толмащласанэ. Нĕпак намаим ōлыс «Пойте, мои звезды». Ты юи-палт Шесталов нĕврамыт мāгыс нĕпак хансыс «Мāньщи пāvлың нĕврамытн», ос 1961 тāлт яныгнув нĕпак хансыс «Миснэ». Потранэ ятил тының яныгмам мātэ урыл ōлĕгыт: «Ас ватат люлегум / Аскве вольги /.....». Манрыг сāv потрыт поэт яныгмам мātэ урыл хансы? Кāсың хōтпа ōлнэ мātэ, хот самын патыс, хот яныгмас, сымыт ōньщитэ. Янгыг емтметэ порат хōтпа хотпыл ат ōлыс, номтанэ акваг

мāньлат тāланэ урыл, яныгмам мātэ урыл, щāнь-āще урыл акваг
ōлэгыт. Хомус тав мāньлат порат янмалтавес, улылавес, ёмас
потрытыл потыртавес, тох таквсарыг емтмете порат хōтпа мире ёт
сымыңыщ, сэръёрыг олуңкве паты. Туп номтың, сэръёр хōтпа тамле
потрыт хансункве хасы: «Сунсән, сунсән: хōталакем вольги! / Хўнтлэн,
хўнтлэн: сымум щунил хольги! / Йисум ёхтыс – но хам сайкаласум. /
Хōтал ёхтыс – наң ұсынн ёхтыгпасум. / Наң ань лōлянтэгыт āхвтас
хурил. / Ам ос лылтантэгум элумхōлас ёрыл. / Намум Юван – āнум
ёрувласлын? / Āнум хōнтыгласлын, сыныгтаслын / Пёс йис холам
порат / Мā-вит ёңхум порат. Кёлуп овум порат...»

Нэпакыт «Пойте, мои звезды» (1958) нэпак ловиньтан хōтпат
мāньщи мā урыл тара паттысыт, мāньщи мир урыл вāңкве патсыт.

1961 тāl порат Юван Шесталов иң акв нэпак хансыс, ты нэпак
намаим олы «Миснэ». Ты порат поэтув стиханэ моц мōтцирнув
хансуңкве патсанэ, стихыт нётнэнувег ос мāщтырнувег тэлуңкве
патсыт. Миснэ – ты вōрт оlnэ нэ, тав вōраяң хōтпатн нётмил вāри.
Шесталов хаснэ потранэт Миснэ «лўи мā хольт хуриң», «регын щармат
регын āращ», тав «Аңкваты те – туйткве толы / каскве сымын ёхты»,
тувыл ос тамле лātңыт «Люлиг соль ке емты номтын, / Миснэ ляпан
рōви, / регың лāтың урнэ сымынн / «Тюпың» латың лāви».

«Миснэ» нэпакыт Юван Шесталов ос та урыл хансы, хомус
мāньщи мир пес порат олыс. Ты урыл тит стихыг хансым олэг: «пес йис
порат самын патыс āщум» ос «Щāнум олыс мāньщи āгииг».

А.Н. Баландин «Миснэ» нэпак урыл тамле лāтың лавыс «Юван
Шесталов потранэ лильпи щир ханяыянэ. Мāньщи эргыт мōт щирыл

суйтэгыт, тот това латңыт тит щёс лягалавет, ос Юван рифма щир стиханэ хансыянэ. Литературат ты эрнэ ос ёмас вармаль».

Тох мащтырыг мән мәнщи поэтув такви потранэ тара хансуңкве патсанэ, тав акваг тисхатым рупиты, акваписыг номсахты, хомус нётнэг эри потрыт хансуңкве, хот хоты латың эрнэ щир лягаланкве эри. Ты коньпал тав пес йис потрыт-мойтыт ваннэтэ магыс, потранэт тованакт Миснэ, Танварнэква, Хыньотыр, Куль номаялы. Хотпатн тан уранылт ос пумысь ловиньтаңкв. Элаль писателюв тах акваг лащлакв пес йис потрыт, мойтыт, амщит такви потранэн хансункве патыянэ, ты хосыт потранэ ёмаснувег тэлункве патэгыт. Элаль ты хосыт ос, тав щар мак яныг писателиг тах паты.